

**समा. 09.20 Hrs**

- लैफ्टिनेंट गवर्नर मनोज सिन्हा होरें लोक भवन श्रीनगर च कश्मीर युनिवर्सिटी दी 84मीं युनिवर्सिटी काउंसल दी बैठक लाइयै केई बड्डे शैक्षणिक फैसलें गी मंजूरी दिती
- केन्द्री मंत्री डाक्टर जितेन्द्र सिंह होरें अपने संसदीय हलके दे विधायकें ते डिप्टी कमीशनरें कन्नै वर्चुअल बैठक लाइयै “सांसद खेल महोत्सव” दे समापन लेई तयारियें पर चर्चा कीती।
- जम्मू-कश्मीर च 2013 थमां 2023 आले दहाके दरान जंगली इलाके च 398 वर्ग किलोमीटर दा बाद्दा दर्ज कीता गया ऐ।
- जम्मू-कश्मीर दे राशिद शफी नै नॉर्डिक वुशु प्रतियोगिता च सुन्ने दा तगमा जित्तियै समूलचे मुल्खै दा मान बधाया ऐ।
- भद्रवाह घाटी च खुशक मौसम करी स्यालु सैलसफा प्रभावत होआ ऐ। जम्मू-कश्मीर च औंदी 20 दिसम्बर तोड़ी मौसम खुशक रौहने दे गै असार न।



लैफ्टिनेंट गवर्नर मनोज सिन्हा होरें कल लोकभवन- श्रीनगर च कश्मीर युनिवर्सिटी दी 84मीं युनिवर्सिटी काउंसल दी बैठक दी प्रधानता कीती। राश्ट्री शिक्षा नीति दे महत्व पर लौ पांदे होई एल.जी होरें कौशल विकास आले प्रोग्रामें दी हिमायत कीती जिंदे राहें नमियें काहड़ें गी बढावा मिले ते रोज़गार दे नमें- नमें मौके

बी पैदा होना। काउंसल नै 5एं बरे दी अवधि आले नमें संगठित प्रोग्रामें- नीतिगत बदलावें- वज़ीफें- Distance Education आली पैहलकदमी ते Calligraphy च डिप्लोमे गी बी मंजूरी दिती गई। एहदे इलावा नर्सिंग- नीम- डाक्टरी ते भाषा सरबन्धी प्रोग्रामें गी बी इस मौके पर मंजूरी दिती गई। कश्मीर युनिवर्सिटी नै शैक्षणिक सहयोग लेई उत्तर- प्रदेश दी सिद्धार्थ युनिवर्सिटी कन्नै सैहमति पत्तरै पर दस्तखत कीते।



## MoS Sansad Khel Mahotsav

केन्द्री मंत्री डाक्टर जीतेन्द्र सिंह होरें कल अपने लोकसभा हलके उधमपुर-डोडा-कठुआ दे विधायकें ते डिप्टी कमिशनरें कन्नै वर्चुअल ढंगै'नै इक बैठक लाइयै औंदी 25 दिसम्बर गी आयोजित कीते जाने आहले सांसद खेल महोत्सव दे समापन समारोह लेई तैयारिएं दा जायजा लैता। इस मौके पर डाक्टर सिंह होरें समापन समारोह लेई सबनें सरबन्धत जिले ते असैम्बली हलकें च तालमेल दी जरूरतै पर जोर पाया ते दस्सेआ जे इस कार्यक्रम गी प्रधानमंत्री नरेन्द्र मोदी होर वर्चुअल ढंगै'नै संबोधित बी करडन्न। उ'नें दस्सेआ जे इस ब'रे 25 अगस्त थमां शुरु होई दी खेड्डें सरबन्धी एकड़ी पैहलकदमी दे कामयाब समापन दे सरबन्धै च सबनें मुतल्लका असैम्बली हलकें च बी कार्यक्रम दा आयोजन कीता जाहगा।



## JK Forests (Byte)

भारत च जंगलें दे संर्वेक्षण सरबन्धी इदारे नै जानकारी दिती ऐ जे जम्मू-कश्मीर च 2013 थमां 2023 तगर दे दहाके दरान जंगली इलाके च 398 मरब्बा –किलोमीटर दा बाद्दा दर्ज कीता गया ऐ। जंगलें सरबन्धी मैहकमे दे प्रिंसिपल चीफ Conservator ते Forest Force दे प्रमुख सुरेश कुमार गुप्ता होरें पत्नीटॉप च वन जागृति केन्द्र दा उदघाटन करदे होई इस उपलब्धि पर लौ पाई। इस केन्द्र दा मकसद लोकें ते खासकरियै बच्चें अंदर पर्यावरण जागरुकता गी बढ़ावा देना ऐ। सरबन्धत अधिकारियें आखेया ऐ जे संरक्षण सरबन्धी लगातार ते ठोस

जतनें ते सामुदायिक भागीदारी नै केन्द्र शासित प्रदेश च जंगली इलाकें च बाढ़ा जकीनी बनाने च टकोहदा जोगदान दिता ऐ।



**Kashmiri Man Arrested (Byte)**

अरुणाच प्रदेश दी पुलसै कश्मीर दे कुपवाड़ा जिले दे इक व्यक्ति गी वेस्ट Siang जिले दे आलो कस्बे थमां गिरफ्तार कीता ऐ। गिरफ्तार कीते गेदे व्यक्ति दी पंछान 26एं बरे दे हिलाल अहमद दे तौर पर कीती गई ऐ ते ओदे पर आरोप ऐ जे उन्नै पाकिस्तान च बैठे दे हैंडलरें कन्नै भारत दी संवेदनशील जानकारी सांझी कीती ऐ। वेस्ट Siang जिले दे S.P कारदक रीबा होरें मीडिया गी जानकारी दिंदे होई दस्सेया ऐ जे एह गिरफ्तारी-ओकड़ी खूफिया जानकारीयें दी बिनाह पर कीती गई ऐ- जेहड़ियां इस आरोपी दे संदिग्ध ते खतरनाक बवहार बक्खी सारत करा रदियां हियां।



**Road Infra (Byte)**

मुल्खै गी अंतराष्ट्री स्तर पर मान दोआंदे होई जम्मू-कश्मीर दे युवा वुशु खडारी राशीद शफी नै स्वीडन च नॉर्डिक अंतराष्ट्री वुशु चैम्पियनशीप च भारत लेई सुन्ने दा तगमा जितेया ऐ। युवा खडारी नै फाईनल च इटली- बंगलादेश ते फही मेजबान मुल्ख स्वीडन दे खडारियें गी रहाइयै शानदार प्रदर्शन कीता। हंदवाड़ा दे खेलो इंडिया वुशु सैंटर च इक प्रशिक्षु राशीद दी उपलब्धि- जम्मू-कश्मीर ते बधदे खेडु तंत्र गी दर्शांदी ऐ ते समूलचे केन्द्र शासित प्रदेश च इच्छुक एथलीटें लेई इक प्रेरणा दे रूपै च कम्म करदी ऐ। राशीद नै जम्मू-कश्मीर खेडु परिषद ते अपने कोचें दे समर्थन लेई उंदा आभार जताया ऐ।



Wushu Championship

मुल्खै गी अंतराश्ट्री स्तर दा मान दोआंदे होई जम्मू-कश्मीर दे युवा वुशु खडारी राशीद शफी नै स्वीडन च नॉर्डिक अंतराश्ट्रीय वुशु चैम्पियनशिप च भारत लेई सुन्ने दा तगमा जितेया ऐ। युवा खडारी नै फाईनल च इटली-बांगलादेश ते फही मेजवान मुल्ख स्वीडन दे खडारियें गी रहाइयै शानदार प्रदर्शन कीता। हंदवाड़ा दे खेलो इंडिया वुशु सेंटर च इक प्रशिक्षु राशीद दी उपलब्धि जम्मू-कश्मीर दे बधदे खेडु तंत्र गी दर्शांदी ऐ ते समूलचें केन्द्र शासत प्रदेश च इच्छुक एथलीटें लेई इक प्रेरणा दे रुपै च कम्म करदी ऐ। राशीद नै जम्मू-कश्मीर खेडु परिषद ते अपने कोचें दे समर्थल लेई उन्दा आभार जताया ऐ।



Volleyball Championship

“Hate Drug, Love Sports” दे संदेश गी बढ़ावा दिंदे होई जम्मू-कश्मीर दी वॉलीबाल एसोसिएशन- जम्मू-कश्मीर खेडु परिषद दे सहयोग कन्नै मर्दे ते महिलायें आस्तै 37मी जम्मू-कश्मीर यू.टी वॉलीबाल प्रतियोगिता दा आयोजन करा रदा ऐ। एह प्रतियोगिता अज्जै थमां लेइयै 17 दिसम्बर तगर जम्मू दे एम.ए. स्टेडियम च आयोजित कीती जा रदी ऐ। अधिकारियें दस्सेया जे इस आयोजन दा मकसद खेडु च नौजवानें दी शमूलियत गी बढ़ावा देना ते समूलचें केन्द्र शासित प्रदेश च सेहतमंद खेडु गतिविधियें राएं नशीलें पदार्थें दे गलत इस्तेमाल बारे जागरुकता पैदा करना ऐ।



Winter Tourism Affected (Byte)

जम्मू-कश्मीर दी खूबसूरत भद्रवाह घाटी च स्याले आहले सैलसफा गी लम्में समें थमां खुशक मौसम ते गुलडंडा ते छतरगला जनेहियें लोकप्रिय थाहरें पर बर्फबारी नेंई होने कारण नुक्सान दा सामना करना पवा रदा ऐ। असाधारण सुक्रे दे करी सैलानी घट्ट होई गे न- जेहदे चलदे स्थानी बपार-विक्रेता दे होटल व्यवसायी प्रभावत

होआ रदे ना हितधारकें गी मेद ऐ जे नमें बरे शा पैहले ताजा बर्फबारी कन्नै सैलसफा गी परतियै पटरी पर आहनने ते मुकामी अर्थबवस्था गी बड़ी मती राहत थहोई सकदी ऐ।



**Weather**

तोंआई जम्मू-कश्मीर च मौसम 20 दिसम्बर तगर मता खुशक रौहने दी मेद ऐ ते मौसम सरबंधी ताजा जानकारी मजुब- कुसै बड़ी गतिविधि दी मेद नेंई ऐ। 21 दिसम्बर गी कश्मीर खिते च ते जम्मू च बक्ख-बक्ख थाहरें पर हौली बरखा जां बर्फबारी होई सकदी ऐ। 22 थमां 25 दिसम्बर तगर आंशिक तौरा पर बद्दल छाए दे रौहने दी मेद ऐ- जिसलै कि 26 दिसम्बर गी आम तौरा पर बद्दल छाए दे रौहगंन। अधिकारियें चेतावनी जारी कीती ऐ जे केंई इलाकें च हल्की शा दरम्यानी धुंध पौने दी मेद ऐ- जेहदे करी केन्द्र शासित प्रदेश च दिक्खने च परेशानी आई सकदी ऐ ते यात्रा बी प्रभावित होई सकदी ऐ।

